

Na osnovu člana 4.2 Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju (“Službeni glasnik BiH”, broj 2/05), na sjednici Državne regulatorne komisije za električnu energiju, održanoj 14. marta 2019. godine, donijeta je

## **ODLUKA**

### **O ODOBRENJU MAKSIMALNO MOGUĆE SNAGE PRIHVATA IZ NEUPRAVLJIVIH IZVORA ELEKTRIČNE ENERGIJE**

1. Odobrava se prijedlog ažurirane maksimalno moguće snage prihvata iz neupravljivih izvora električne energije u elektroenergetski sistem Bosne i Hercegovine sa stanovišta mogućnosti regulacije sistema, utvrđen dokumentom Nezavisnog operatora sistema u Bosni i Hercegovini broj 285-1/19 od 28. februara 2019. godine, u iznosu:
  - 460 MW za vjetroelektrane i
  - 400 MW za fotonaponske elektrane.
2. U odsustvu jedinstvenih kriterija za raspodjelu maksimalno moguće snage prihvata iz tačke 1. ove Odluke između Federacije Bosne i Hercegovine i Republike Srpske, Državna regulatorna komisija za električnu energiju poziva njihova nadležna tijela da u skladu sa dosadašnjom praksom usaglase međusobnu raspodjelu, uz mogućnost ustupanja jedne tehnologije u korist druge, ali uz poštivanje veličina definiranih ovom Odlukom.
3. Državna regulatorna komisija za električnu energiju, Nezavisni operator sistema u Bosni i Hercegovini i Elektroprijenos Bosne i Hercegovine bit će pisanim putem informirani o usaglašenoj raspodjeli, koja će biti relevantna za potrebe vođenja registara obnovljivih izvora električne energije.
4. Nezavisni operator sistema u Bosni i Hercegovini obavezuje se da, u skladu sa razvojem sektora i tržišta električne energije u Bosni i Hercegovini i regiji, kontinuirano vrši potrebne analize i Državnoj regulatornoj komisiji za električnu energiju dostavlja inovirane utemeljene prijedloge maksimalne moguće snage prihvata iz neupravljivih izvora električne energije.
5. Stupanjem na snagu ove Odluke prestaju da važe Zaključci broj 05-28-13-330-9/12 od 16. aprila 2012. godine.
6. Ova Odluka stupa na snagu danom donošenja, a bit će objavljena u “Službenom glasniku BiH”, službenim glasilima entiteta i Brčko Distrikta Bosne i Hercegovine.

Broj: 05-14-2-188-11/18

14. mart 2019. godine

Tuzla

Predsjedavajući Komisije

Milorad Tuševljak